

柚堂四種

乾隆壬子夏鐫

皆山樓吟稿

寶綸堂藏板

余四歲在膠西一日獨立小院時秋陰欲雨輕雷隱隱
蟋蟀鳴草間忽忽若有所感低徊久之初不自知其何
意後讀詩至殷其雷及嚶嚶草蟲之章恍然如復遇之
至年十五六見人作詩頗好之每日必作見好詩寓目
卽記時在嶺南官舍齋之右有皆山樓登高而望則雲
山繚繞情不能已欲有所作自覺力不赴景辜負良多
苦於地僻無書如唐詩及李杜諸公大集俱不可得
先府君案頭有曝書亭集因禁不許作詩不敢竊視有
人贈東坡寓惠集時時流覽不得其門而入後又得秀
野草堂昌黎詩註見其長篇古調甚喜依文法以意解

之似有逕可尋而律絕之道尙覺茫然二十二歸里與
表兄馮孟亭妻舅曹六圃相切劘又得潘稼堂所批太
白集李天生查他山所批杜詩而姑夫朱稼翁又付余
樂府詩集而後心胸一開遂有唐詩式之選然其深嗜
篤好則已遜於十五六時矣已復爲考據之學而詩竟
無成然往往爲朋儕所牽引卽應酬亦不能廢勉強爲
之而錢香樹司寇及諸草廬宮詹輒爲延譽 尙書

見爲許同年

字邦于爲賓
穆閣學之孫

題方于魯墨作特爲許可近

年王蘭泉副憲又徵其詩入選然得失寸心知豈可自
欺惟是甘苦畧識一二敝帚燕石猶竊自珍如後之子

孫有同此好者須及其鋒因勢利導之切不可令舍所
長用所短以至一無所成也乾隆戊戌八月拙堂居士
自序

福建省城壬子年刊刻

皆山樓吟稿總目

卷一

古今體詩六十二首

卷二

古今體詩五十三首

卷三

古今體詩四十七首

卷四

古今體詩四十九首

皆山樓吟稿卷一

秀水 盛百二 秦川

皆山樓喜晴

丙辰

甲子兼旬雨今朝霽色開白雲歸岫去翠阜入城來日
煖鳥聲樂風和花信催鈎簾三面托曉起獨徘徊

東山寺

寺有次蘇木主

問渡梅村口言從白社招松風穿一徑已覺俗心遙法
鼓林間動殘鐘雲外飄蘇公有元契香火接僧寮

龍川竹枝詞

雲白鰲山一縷生濃陰忽布遍江城雷鄉驛畔官艇歇

蘇轍祠前鳩婦鳴

自過河源灘漸高雷江埵下聲嘈嘈暫向將軍灘上泊
問郎用盡幾張篙

二月桃花已作塵綠陰如幄斷遊人趙佗霸業知何許
古井無波草自春

雷鄉女兒腳不鞋我我高髻滿銀釵進門三日誰家婦
結伴山頭去打柴

天上銀鈎挂樹枝五更灘響最相思怪他不是神仙草

打著中心總不知

神仙草長數寸葉如合歡樹
擊之則葉自合須臾復張

和風甘雨洗蠻氛江草山花錦繡文莫聽吉州楊萬里

錯將瘴霧擬烟雲

誠齋明發龍川詩云山有濃嵐水有氛非烟非霧亦非雲北人不識南中

瘴只到龍川指示君

早發和平踰成仙嶺飯於農家

丁巳

百折沿溪盡千盤踏嶺行亂峯銜旭日回首失孤城霧斷山腰樹泉奔澗底聲農家能愛客茅屋飯香秔

下十八灘

聽說前程是萬安橫江亂石走驚灘平生嘗歷鳥蠻險放溜心輕十八灘

粵西梧州以上鳥蠻諸灘其險更甚

丁巳除夕

我生一十八除夕今夕居然在故鄉卻笑歸人仍似客

望雲南極九迴腸

七里灘

灘邊昨夜雨濃綠
泣朝暝樵響排林出
人聲應谷聞高
風巖處士慟哭謝參軍
不盡登臨客雙臺自白雲

阻雨龍口

江流翻絕壁濤怒裂山根
峽氣連朝暗灘聲入夜喧
地偏稀屋宇村陋少鷄豚
明滅龕燈見懸崖破廟存

皆山樓卽事

小閣簾虛午睡初
南山雲起漸模糊
柚花香過黃蜂靜
風送數聲啼鷓鴣

清遠峽

南風吹五兩盡日峽中行翠鳥連羣過寒猿時一鳴飛
來丹寺古看處碧雲生忽墮巖間雨瀟瀟竹樹聲

金山

岷峨山水萬里赴東吳突起單椒秀中流一柱孤潮
音和梵唄鼇背湧浮圖試躡凌虛去天風浩蕩扶

自嶺南攜亡荆周氏柩歸里權厝于東林港

伴爾千山萬水程今朝轉痛隔幽城魂飛颺母驚初定
心惻啼鵑恨未平缺月斷雲尋昨夢蘆簾紙閣卜他生
一灣脉脉東林港盡是河陽宿淚傾

梅湖 辛酉

春水粘天碧浮空一鉤
輪儂家三畝宅本是五湖濱

魏塘貝家橋

帶月人歸十畝閒板橋烟靄暮鴉還
白榆陰下柴門閉風起寒蟬水一灣

次孟亭大兄吳門見懷韵

壽骨慙兄弟髫年晨夕偕
由廬江而虞山追隨外王父
任遷轉與兄同就傅者三年

君留虞仲邑我去瘴江涯
雍正庚戌余年十一赴
嶺海與兄別于琴川乍喜

鄉關共旋因出處乖對床空有夢霜月滿平階

東林港 癸亥

綠波春水自年年
籬落人家正禁烟
紅淚桃花含宿雨
豔陽天是斷腸天

山陰雜興六言

甲子

晴雲波上百變水鳥山前一雙菰飯蕪羹正熟扁舟小泊樊江

放棹朝遊南鎮回船晚過錢清直到東關未曉推篷月落參橫

綠樹啼鶯何處鳥蓬上冢誰家衣香人影太速歸去烟深若耶

白鶴峰前雲起柳姑廟下潮生輕雷微雨初歇一抹餘

霞晚晴

村墟十里五里溪路南風北風樵歌互起相會可有當年鄭公

市卒烏知梅福漁翁豈識剡溪始悟名高無益頓教物我今齊

不願玉芝辟穀休從射的占年鏡湖一曲自足醉卧煙波釣船

孔令叢祠社鼓偈山古寺晨鐘小留荏苒結夏且住商

量賽冬

道墟社神孔府君失其名相傳謂曲阜人爲守令越中歿遂爲神又偈山偈心寺宋之問有詩

李西岩表叔移杜鵑十數本於紫桃軒中爛漫奪

目內白者尤貴嶺南此花極多白者亦不易得
子規啼斷暮春天別有名花分外妍近砌數叢開豔豔
依廊一樹靜娟娟美人久隔他年夢今日重逢宿世緣
猶記昔山樓外月玲瓏移影到簾前

未央瓦歌爲朱泉明先生賦

金仙辭漢後咸陽蒲荆榛離宮三十六遺跡久汨陳不
知幾劫灰片瓦歸然存上有未央字篆籀沿先秦盤中
四角樣庚庚起橫文肌理縝以栗古質光采新先生苦
心愛奚啻席上珍世人寶銅雀藐爾如仍雲昔賢有故
事好古傳林君

昔林同人得未央瓦新城王尚書吾鄉
朱太史海昌查翰林均賦長句贈之泉